

白  
雪  
樓  
詩  
集

白雪樓詩集卷七

七言律

明溪篇二首贈周都閩

明溪斜帶越臺高。常送清光照錦袍。  
勢奪潮聲雄鼓角。波分海色壯旌旄。  
浮雲深控嫖姚騎。秋水常函別駕刀。  
翻恨普天無戰鬪。臨觴不得更投醪。

越臺山下小江干。一曲遙開漢將壇。  
槎動星河天上下。陣成魚鳥鏡中看。  
戈鋌忽溢澄潭色。組

練偏縈素渚寒。此日非熊應入夢。心隨渭水到長安。

錫山尊賢祠一首

長史祠堂海一隅。諸君精爽夜常俱。縣知震澤珠來往。莫問東峯錫有無。前輩風流開俎豆。南朝伏臘見枌榆。何人不羨秦公子。血食賢哉二大夫。

秦丈爲武昌公建開利寺觀鵝亭一首

江上新亭接梵臺。風流重憶右軍才。相携愛馬

高僧過自許。籠鵝道士來。池水如披霜。練出煙霞。猶傍彩毫開。使君暇日多延眺。可但南樓興已哉。

除夕魏使君携長君及黃山人見過同賦  
三徑蕭條雨雪前。使君除夕報周旋。檐帷自御元方出。賓客兼携叔度賢。太史定疑滄海氣。陽春先動楚宮篇。諸生光寵霑行酒。不獨荀家事可傳。

春日與魏使君游宿龍洞山寺同賦四首

迴壑深林出梵宮。春來吟眺使君同。空潭忽散  
三峯雨。暗穴常吹半夜風。人擬二龍精自合。詩  
看五馬步逾工。諸天坐失縣燈色。明月先投入  
掌中。

使君春興滿。綈袍綵筆青山對。濁醪望去天迴  
雙闕迥。坐來雲盡一峯高。蛟龍出入常風雨。鴻  
鷗拚飛自羽毛。愧我淹留逢楚客。攀援桂樹味  
離騷。

削成東壁五雲屏。下有龍宮夜不扃。斗柄故臨

雙甕轉。月明常對一珠亭。春回竹葉杯光。白天  
逼蓮花。劍氣青坐久空山。仙籟寂。新詩獨爲故  
人聽。

秀色中峯獨不群。藤蘿二月已紛紛。諸天近海  
金銀氣。雙峽長春錦繡文。塔影半空縣落照。溪  
流一曲灑浮雲。縱令洞口龍吟發。郢調還須讓  
使君。

寄殿卿

春滿梁園興不孤。平臺一望盡平蕪。于特授簡

白雲樓詩集卷一  
酬知己何處銜杯憶老夫。浪跡已應爲客就浮  
名。猶自傍人無。只今忼慨夷門道。肯讓蕭條在  
五湖。

荅殿卿

莫問看春第幾場。纔兼風雨更茫茫。能無對酒  
思公子。亦有登樓望故鄉。敢謂馬卿元在漢。何  
如枚叔正游梁。病來已廢凌雲筆。爲愛觀濤擬  
報章。

苦熱因憶右史覽揆之辰作此爲寄

河朔風流避暑年。平臺此日更翩翩。客惟枚叔  
元稱叟。主自梁王雅好賢。兔苑近。含嵩少。雪雁  
池。遙動廣陵天。故人苦熱心同渴。安得金漿共  
爾傳。

訓右史題扇見贈之作二首

紈扇新裁寄遠篇。纔開篋笥已堪憐。清風忽自  
蘭臺至。明月還從鄴下懸。佳客滿堂踈翰墨。美  
人千里共嬋娟。何因懷袖含香署。再使君恩出  
入偏。



故人書札到寒溫。病起蓬蒿正滿門。彭澤妻孥  
相對老淮南。賓客自言尊。頌成濁酒深知德。授  
罷明珠始見恩。莫爲尋常招隱士。山中轉復  
念王孫。

送翟使君奏最

三臺年少雅相聞。五馬邊州老使君。更擁星軺  
趨北斗。還依露冕拜南薰。政成黃鵠誰云匹。佩  
有青萍自不群。海內重名推佐郡。那知詞賦竝  
凌雲。

送張轉運之南康二首

此去專城又楚都。遙臨五嶺壓三吳。坐來齋閣  
江聲合。忽傍襜帷嶽色孤。白晝落星寒劍氣。清  
秋石鏡滿冰壺。美人欲報瓊瑤賦。彭蠡春深雁  
有無。

轉運風流動海方。僕臣司駕早稱良。齊鹽萬斛  
乘艘下。冀馬千群入塞長。廬嶽使君新領郡。金  
陵仙吏舊含香。須知共理勞明主。可但西京  
數趙張。

東張問甫使君

裘馬當時滿漢關。故人誰不羨紅顏。只今湖海  
窮相傍。可道風塵老自閑。伏枕此身惟濁酒。拂  
衣何處不青山。與君俱作漂零客。容易經年斷  
往還。

賈明府迎侍大公

郎官承寵建章迴。海岱春深百里開。經術家傳  
新息長。風流人羨洛陽才。心同鄴令雙鳧舞。身  
御于公駟馬來。惟得五雲高列宿。卽看南極近。

三台

贈蓬萊王少府

漢宮清切右曹開。染翰當年屬妙才。天上鳳毛  
猶五色。斗間龍氣劃雙迴。雲霞春滿千家邑。山  
海秋高萬里臺。自是仙郎偏雨露。總爲遷客亦  
蓬萊。

送耿蠡縣之官

百里初分上谷城。傍臨易水接燕京。地偏俠客  
風猶在。天近郎官宿轉明。北闕青雲縣鳥影。西

山白雪入琴聲。看君三異尋常事。何限當年魯  
令情。

九日

九日陶家菊自黃。更聞飛雁搗衣裳。誰人對酒  
能無賦。何處登高不望鄉。二水寒光搖落照。孤  
城秋氣入清霜。那知目極中原苦。數子江湖未  
盡狂。

贈真陽周明府

仙令風流百里才。傳經新自蜀中迴。彩毫忽動

梁園色。卅竈還臨葉縣開。琴裏春生桐栢水。月  
明人在景夷臺。只今汝穎高賢聚。爲有郎官一  
宿來。

送崔明府之宿遷

山陽列郡接青徐。宿子中開百里居。自是燕臺  
求駿馬。飄然淮海駕蜚魚。邑因美政花相似。令  
有文名錦不如。共理即今明主意。憐君指日  
捧徵書。

送賈明府以徵書入選

茂宰能名海岱聞。更推經術起河汾。即論展驥  
無千里。果爾飛鳧便五雲。烏府風霜秋正急。黃  
門供奉日爲群。徵書十道求高第。治行誰人不  
讓君。

送郭子坤別駕之廬州二首

諸生垂白困談經。何似雄飛出漢庭。客自燕臺  
知驥足。人從金斗識屏星。耆闍海外來峯色。大  
蜀淮西擁地形。匣裏佩刀誰所贈。龍鳴風雨未  
堪聽。

吳楚西南郡閣重。廬江小吏日從容。瀟瀟不是  
天河水。霍嶽爭齊紫蓋峯。京洛仙舟飛似鷁。并  
州竹馬健如龍。已知家世多名士。難道明時可  
易逢。

殿卿擢左史爲贈

萬里襜帷逗。主恩長裾一再歷。寒溫諸侯賓  
客。梁園盛。帝子官僚相國尊。誰爲從旁驟駟馬。  
自應虛左過夷門。况兼詞賦凌雲氣。漢署風流  
可更論。



九日

白鴈黃花處處秋  
鮑山風雨獨登樓  
忽驚返照湖中出  
轉見孤城水上浮  
多病恰堪成卧隱  
濁醪真是抵窮愁  
先生嬾作東籬會  
可但交情老自休

爲周明府太霞洞天卷題

太霞高館洞天遙  
東接蘭津十二橋  
巖壑盡含滄海氣  
樓臺常對赤城標  
雲煙五色春相麗  
金碧諸山夜自朝  
仙令恠來工製錦  
真陽人喜得

王喬

送魏使君入朝

青春五馬入朝天。何似明光草奏年。方嶽只今  
雄海岱。山河原自壯幽燕。風雲忽傍檐帷起。日  
月猶臨省署懸。况復政成聞問好。黃金不是  
主恩偏。

送魏使君燕呈吳邵武

如雲計吏集。神京此日江湖見。友生自是古  
今雙五馬。居然南北兩尊城。漢廷交映黃金詔。

楚客同蜚白雪聲  
治行不知誰第一  
獨應巖穴愧高名

病間答殿卿

病客高齋黯淡生  
何來一扎大梁城  
夢迴滄海風雲色  
春落黃河雨雪聲  
伏枕自須疑慢世  
曳裾兼亦似逃名  
可知枚馬元同調  
誰見千秋出處情

病甦憶吳中二子

伏枕高樓白日徂  
夢回春色杳相扶  
風流自覺

中原盡海嶽驚看我輩孤寒雪千山雙鬢老浮  
雲萬里尺書無也知俱壯觀濤興只是漂零不  
可呼

荅寄聶子安儀部

司馬雄才動帝京當時群從獨高名奏成華  
省青雲氣賦就仙郎白雪聲春色迥分南北望  
江流不盡古今情應憐此意同巖穴千里傳書  
歷下生

荅贈廬陵劉茂時

西來獻策薊門深  
栖泊王家玉樹林  
說劍夜高湖海氣  
鳴琴秋入薜蘿心  
別時春色常相似  
歸去浮雲不可尋  
萍梗愧君能記憶  
十年遙寄白駒音

答寄余德甫

當年草奏栢梁臺  
此日漂零濁酒杯  
伏枕春陰三楚合  
拂衣秋色大江回  
含冤夜識雙龍氣  
作賦時推二馬才  
極目中原諸子盡  
豫章城裏一書來

薛子熙有青州之後見枉林園尋示贈章

荅此

越客風流問字年登臺把酒白雲天一毛實自  
河東下雙鯉燕從海上傳彩筆乍含星野動明  
珠長對雪宮縣已看伯氣前朝盡猶說當時鮑  
叔賢

薛氏瑞室自衡州使君以來不罹火事二  
度君子美之但爲題止宜記頌然不可無  
律體乃先難屬和者

赤堇山火照城東郭外巋然太守宮舊俗龍蛇  
元自厭比隣燕雀竟相蒙初飛蜀郡尚書雨再  
反江陵大尹風四壁遺經亡恙在諸孫往往見  
文雄

酬黃山人郡中見懷之作兼呈魏使君

千山佳色郡齋前楚客相思秀句傳白雪調成  
堪自老青雲名在好誰憐胡床夜傍南樓月濁  
酒春開北海天羨爾風流陪坐嘯轉令人見使  
君賢

慰魏使君悼子

那閣春深種合歡將雛一曲動雙彈  
寒帷此日驚騎竹洒淚何人說  
夢蘭楚壁自含明月墮隋  
珠空抱夜光寒况逢羸博分符地  
片石嵯峩不忍看

陶明府自羅山移東安

仙令風流自汝陽三臺薦䟽滿  
明光不綠馴雉聞當宁那得飛  
鳧入帝鄉地近五雲窺製錦  
天迴列宿映垂裳折腰未是君  
家事珍重彈琴



單父堂

送汪仲安之長沙藩理

三楚風流接帝鄉  
蘭臺池館漢諸王  
官貧舞袖旋應拙  
老去長裾曳不妨  
授簡春陰生嶽麓  
開尊秋色動蕭湘  
從來此地多才子  
吊古還看有和章

和余德甫江上雜詠

城下春江繞戶斜  
誰開三徑俯龍沙  
客携彭澤先生酒  
人指南州孺子家  
一劍寒光搖北斗  
西

山秋色送雲霞只今海內無同調高枕從君老  
物萃

題仙人騎白鹿圖贈魏使君

少室仙人玉不如飄搖來自大林墟已叅白鹿  
雲中駕復把青陽洞裏書二女三花相綺麗霜  
毛短髮共蕭疎使君何讓臨淮守夾轂雙隨五  
馬車

荅子與病起見寄

青門遙向汝陽分伏枕傳書到白雲已道風波

能失所更逢搖落不堪聞九歌自我思公子七  
發何人起使君一日齊名千載事驚心豈獨久  
離群

寄題子與使君薜荔園二首

太守爲園自一丘遙看薜荔接滄州醉來忽下  
湘君淚賦罷深知楚客愁黯淡欲飛天目雨蕭  
條猶帶洞庭秋惟應日共蓬蒿長安得聊從仲  
蔚遊

老蔓成惟網四鄰紛紛落葉雪溪濱嬋媛初服

能無客窈窕空山若有人楊柳摧殘彭澤隱桃  
花俗殺武陵春獨憐遠道難爲理欲采何由寄  
所親

又青蘿館二首

十畝青蘿別館開使君延眺意悠哉風搖北渚  
清陰合煙雜南山黛色來臺敞高秋深染翰庭  
虛斜日淨銜杯西鄰榮叟常還往索帶應同薜  
荔裁

湖上高齋此一時垂蘿四面繞茅茨欲令何處

紅塵入可道窺人片月疑色借古松成遠勢意  
含幽石有餘姿空傳蔣詡開三徑不遇裘羊那  
得知

寄子與

何言雨雪薊門深明日塞帷是上林湖海弟兄  
餘涕淚雲霄詞賦足知音猶堪一起中原色莫  
使長縣萬里心不爲故人勞問訊十年書札總  
浮沉

冬日登樓

佳節高樓酒復清  
鮑山斜日入杯平  
天涯誰借窮交淚  
海內空傳拙宦名  
四野浮雲垂雪色  
千林朔氣擁寒聲  
醉來極目中原盡  
獨抱風流萬古情

子與病起移書二美吳下群賢爰修楔事  
踊躍勝遊遙爲屬寄

伏枕經春憶舊遊  
永和三日命扁舟  
一時藝苑人無恙  
千載蘭亭事可求  
吳下山川何縕藉  
王家兄弟本風流  
獨憐搦管傳觴處  
有客中原自

白頭

南海歐君自京師遺書于大梁屬許右  
史爲致荅此

中原才子動相聞  
誰復高名得似君  
南海一珠縣北斗  
黃河雙鯉墮青雲  
城邊五色羊何在  
臺上千金馬不群  
獻賦幾年猶未遇  
羅浮春思坐氤氲

題南海栢臺甘露贈潘侍御二首

繡斧光清瘴海雲  
行臺甘露栢紛紛  
九天驄馬

人爭避五色神羊氣不群白簡風生偏起粟皂  
囊秋淨總垂文侍臣豈讓東方朔千載芙蓉奉  
聖君

蘭臺使者憶長安萬里雲霄攬轡看忽報三危  
開玉樹誰分雙掌注銅盤霜凝合浦明珠出風  
動增城瀑布寒清節滿朝君不信流光偏綴惠  
文冠

題潘廷尉留餘堂

前朝知政四留餘廷尉爲堂取自書潘令官銜



纔散騎于公門第早容車法星傍斗縣高座佳  
氣如雲護直廬海內稱平逢此日主恩先已未  
應虛

寄謝俞仲蔚寫華山圖

雲臺隱者二茅龍曾道神仙自可逢忽爾畫圖  
開萬里居然秋色在三峯貪看塞外黃河下坐  
失關門紫氣重况復題詩如謝眺當年却恨不  
相從

賀殷洗馬誕子

詞臣三命侍經筵 聖主龍飛薊北天珠借星  
辰堪竝出弧隨日月更新縣一毛深照銜圖夜  
千里長懷托乘年共訝玉堂分氣色燕城重喜  
得藍田

題周天球小像

落魄吳門五十春 嬾從高閣畫麒麟此中墨客  
爭知妙何處詞人更有真白眼自宜置丘壑紅  
顏元不染風塵東墻休挂喬家女夜恐周郎作  
後身

送李水部恩榮卷

自奉天書出建章  
明時誰不羨仙郎  
五雲偏借斑衣色  
列宿遙含畫省光  
水部盛名縣楚望  
南山佳氣入高堂  
鹿門只尺龐公宅  
那見恩波繞漢陽

贈吳人梁辰魚

迢迢岱嶽海漫漫  
秋興如君未易闌  
三觀雲霞天上坐  
蓬萊宮闕掌中看  
纔探綠綺陽春動  
一說千將紫氣寒  
詞客吳門誰不羨  
王家兄弟雅

盤桓

寄謝許左史刊倡和集

平臺左史寄相思開卷風流見往時  
已自游梁詞賦長翻因御李姓名疑  
玄經竟爲何人出郢調除非和客知  
君有明珠堪照乘更湏清影及  
茅茨

舜祠哭臨大雪

雨雪號天慘曙暉君王千載一垂衣  
廷中左鉞將軍出海上樓船使者歸  
紫氣不隨江漢轉白

雲還傍薊門飛孤臣臘有蒼梧淚逐客瀟湘在  
亦稀

奉贈杜使君寄上太翁八十壽

越徼春生戲彩天風流耆舊楚先賢青州五馬  
分符日渭水非熊入夢年一自趨庭經術就還  
應托乘帝恩縣即今南極長朝斗竝照明珠北  
海邊

於白雪樓送襲生入貢

樓上春陰動晚寒薊門千里入馮闌別來白雪

還誰和老去青雲好自看  
天子今逢新禹貢  
諸生不改舊周官  
臨軒若問羊裘客  
莫道江湖有釣竿

寄憶余德甫

綵筆生花尺素寒  
西山飛雪正漫漫  
何來章貢雙江合  
竝倚雌雄兩劍看  
無那中原長伏枕  
可知千載一彈冠  
即今寥落陽春曲  
滿眼巴人和客難

荅寄俞仲蔚蕪呈元美時不果枉因有末

句

濁酒新開綠綺鳴白雲湖上掩柴荆興來陶令  
還辭社老去龐公不入城一疏中原高病色千  
秋吾黨見詩名故人竟作書相別握手看君負  
此生

送歐文學之江都

雨雪寒燈對濁醪蕭然似是一儒曹下帷國士  
堪華髮草檄門生自彩毫雙峽迥分滄海氣孤  
城秋壯廣陵濤文星雖小人爭識南斗常臨劍

影高

題王元美葺經閣

岌峩飛閣太湖傍，有客繙經日滿床。  
白馬尚留霜練影，綵毫應帶雨花香。  
當年張掾生秋興，何處支公坐道場。  
君自風流兼二子，吳門極目正茫茫。

子與自長蘆移瑞州二首

題坐高名漢署來，魚鹽小吏混蘆臺。  
誰憐汝海分符客，自是南皮作賦才。  
老驥霜蹄千里動，佩



刀寒色九河開量移休道非知遇難得君恩

一日迴

遙傳雨露一時新不負漂零戀主身高卧中  
原堪有客雄飛爾輩可無人屏星色動雙龍曙  
錦水光分五馬春詩興宦情看並美南州孺子  
况爲隣

寄懷子與

海上離心雁影懸白雲愁色滿秋天那堪對酒  
書相憶况復登樓月正圓自爾一携龍劍合何

人更問鶻冠篇莫言十日平原酒不是王孫得意年

重寄德甫

二月鴻書發豫章到來春興日能長宦情轉借  
中山篋詩句猶含右省香海內故人元落落江  
南秋色正蒼蒼遙知相憶登高處更過陶家醉  
不妨

寄題况吉夫藥湖別業

湖上高齋萬木齊白雲長在楚天西落霞一散

燒丹火秋水遙通濯錦溪  
伏枕自來詩不廢扁舟誰爲酒同携  
南峯盡作蓮花色曾是王喬隱遁樓

白雪樓寄懷徐使君兼呈王元美

木落清河入檻流平陵月出照牀頭  
開樽自動青雲色掩卷俱含白雪愁  
南國佳人能命駕中原病客此登樓  
從它木淺山陰興遠道無因報子猷

苔寄子與見懷

時自蘆臺移瑞州按察山東

北風飛雪擁南奔，苦向綈袍掩淚痕。  
病客世疑中散傲，故人官起外臺尊。  
尺書萬里存交誼，一歲三遷見主恩。  
月出登樓如匹練，每依吳觀望吳門。

魏使君以太公登太山

何言紫氣滿崑崙，崙嶺須信中原五嶽尊。  
南極一星朝日觀，東方千騎擁天門。  
舞衣重染煙霞色，探篋深銜雨露恩。  
試向丈人峯上望，徂徠新甫拱兒孫。

送魏按察之潞

壺關上黨切雲霄憲府中天插漢標山勢西臨  
三晉險地形東控兩河遙名從出守高郎署策  
本和戎寵 聖朝盡道疆場縣節鉞猶能書札  
滿漁樵

青州志成薛生重在報別將詣元美作此  
爲贈

於越諸生稷下來梧宮重起讀書臺薛君世業  
推經學齊客家傳讓史才北海風流天上座雲

門秋色鏡中開  
菰蘆更有人相問  
爲道登龍御  
李廻

青州志成贈杜使君

使君經術有餘師  
元覲家傳左氏辭  
東海大風回  
騁翰少陽寒色動  
褰帷按圖冠帶還  
千里問俗春秋自  
一時況是郡城常  
下鳳文章兼似羽  
毛竒

得元美馮叅政書知王沂州先已失寄

搖落中原伏枕時  
故人千里一相思  
雙魚不滅

白雲樓詩集 卷一  
三三  
加餐字五馬虛傳遣吏辭我在河山終未邈書  
來雨雪自堪遲從今把酒登樓處數子江湖會  
有期

荅寄敬美

君家鴻雁滿江千歲杪逢人一字難白雪似應  
工伏枕青山好在重加餐卷中雙玉清相倚掌  
上千金笑獨看兩地起居俱不惡風塵回首任  
漫漫

寄張幼于

吳門風雨洞庭陰上客常開子墨林劍閣自題  
名更起鱸魚一憶興何深古今不改中原色南  
北相看萬里心愧我驚人無俊句勞君寫入二  
龍吟

秋日寄懷元美兼呈吳徐二使君

十載江湖白露寒因君萬里憶長安故人相向  
中原老秋色何如畫省看邵武功名非不佞汝  
陽經術雅能官即今垂作漂零客可道音書日  
轉難



秋夜白雪樓贈周公瑕

日落風清竹樹林一尊飛閣敞秋陰  
繞逢狗監人先老能到龍門客自深  
海上共縣明月夢山中堪贈白雲心  
陽春寡和休言誤此夕因君作楚吟

登萃不注山送公瑕

鴻雁高飛木葉丹逍遙臺上一馮闌  
浮雲不動孤峯起落日長臨二水寒  
多病故人書未達中原秋色醉相看  
預愁匹練江南道極目吳門駐

馬難

杜青州按察楚中

東方千騎古諸侯  
憲府新開大楚秋  
北海清風猶滿座  
武昌明月更登樓  
五雲過郢朝佳氣  
三峽吞江擁上游  
此地功名誰得似  
君家元凱自荊州

寄別元美

誰憐伏闕上書還  
國士銜冤動帝顏  
殺氣始應高碣石  
飛霜猶自滿燕山  
風塵雙淚綈袍盡

湖海扁舟白髮閑却念十年携手地不知春色  
在吳關

荅元美山東道中見寄

飛來尺素九河陰報道春光滿上林游子自矜  
年少好故人無恙歲寒心即今病借青雲起何  
用詩傳白雪音處士一星依帝座兩朝誰似  
主恩深

荅元美廣川道中見寄

檄書遙借薊門看只尺平原一笑難便道何妨

留作客他家惟願起爲官  
雙龍夜敞星文動匹  
馬秋深嶽影寒杯酒可知公子意  
空縣十日布  
衣歡

荅王敬美廣川道中見懷

薊門秋色夢中偏  
二子乘舟下廣川  
食客未應常在趙  
酒人誰復並游燕  
心知老驥元千里  
目送歸鴻自一天  
已分蓬蒿能興盡  
壚頭春酒却堪憐

寄賀天官殷少宰

十載詞林供奉中，史才經術竝稱雄。  
恭承三命銅龍署，兼典諸儒白虎通。  
要地持衡當北斗，清聲曳履入南宮。  
猶言紫極氤氳處，非復文昌八座同。

荅寄劉子威侍御二首

吳客槭書問轉蓬，姑蘇臺上起秋風。  
七星已佩千將劍，五色還乘鮑氏驄。  
江海雙縣精自合，陽春一曲步逾工。  
只今曾照西施月，多少娥眉畫不同。

憶昔風雲滿 帝鄉同時射策向明光一毛宛  
在中書日匹練遙飛御史霜北海清尊開岱色  
西京彩筆照河梁非君尺素三江下爭得秋聲  
入雁行

顧中翰祭告德衡二藩兼有事沂山東海  
聖主新恩北極開侍臣銜命出燕臺三齊茅土  
星潢近二國松楸雨露回百丈自天垂瀑布五  
雲佳氣接蓬萊俱言海嶽遊偏壯爲有王褒作  
頌才

送郭使君解郡暫還豫章詩

有序

公之難去郡百姓郡百姓之難去公猶之免  
赤子於懷也斯古遺愛焉不獲乎上民不得  
而治矣不曰直道而事人焉往而不三黜哉  
惟是 帝命維新舜有天下選臯陶於衆危  
言危行是以論其世也重選而厚望之相與  
以成其後者乎

春風解郡豫章還已報徵車起漢關儘恠雙龍  
高紫氣何妨五馬照朱顏門人榻自南州下座

客樽應北海閑似是朝廷知借寇先開書篋慰  
中山

送都轉運劉使君還萬安二首

并序

使君之在西省與僕甚驩久不聞問轉運山  
東時某杜門十載矣哀宗梁之悠邈感王徐  
之常勤抵掌於同舍之役也使君司寇世家  
仲氏入拜九卿季子出貳大郡是稱難兄再  
領國課厥聲卓然尋以舊守常德誤中掇拾  
當路惜焉顧使君之在西省不少假一冢宰



掾即風采可知矣

使君漕輓二東回天子全齊外府開海王至今  
餘伯氣大風千古見雄才魚梁忽落雙江水白  
石遙分萬里臺更廣絕交成妙論可無人識孝  
標來

十年西署結交驩別後雲霄尺素難郡接荆衡  
分嶽牧場開海岱領鹽官五溪誤見明珠拾千  
里誰將老驥看莫道賜環非近事新縣白日照  
長安

送張闔使黔中

虎臣推轂滿長安，吳越當朝闔外難。  
君自雅歌稱坐鎮，人疑漢將不登壇。  
江潮常借軍聲壯，海氣遙臨陣影寒。  
滇水一珠堪照夜，誰憐惹草竟同看。

過嚴陵

嚴陵物色動新年，解纜春回七里船。  
繡領更宜殘雪映，釣臺高竝客星懸。  
灘聲乍合三江壯，山勢遙臨百越偏。  
此日青陽瞻帝座，羊裘深愧昔

人賢

題候濤山觀音寺徒自落迦

落迦山上古祇林白馬西來浹口深月出爾時  
樓閣影風還如是海潮音若非鸚鵡元能語誰  
解蓮花不染心五十二員知識盡可勞踪跡問  
浮沉

閱海上兵四首

使者乘輶大閱兵千艘並集甬甸城騰裝殺氣  
三江合吹角長風萬里生帳擁樓臺天上坐陣

回魚鳥鏡中行不知誰校昆池戰橫海空傳漢  
將名

戈船諸校錦征袍水戰當場命客豪萬櫓軍聲  
開島嶼千檣陣影壓波濤赤城深泛旌旗動射  
的遙銜竹箭高東海便應銅柱起何妨馬援是

吾曹

列艦如城積水前援枹擁棹出行邊桔槔氣迸  
流烏火組練光搖太白天鵝鸛一呼風雨集鼉  
鼉雙駕斗牛縣即今萬國梯航日竝識君恩浩

蕩羊

新開帷幄控朝宗，萬里波臣老折衝。  
海氣抱吳遙似馬，陣雲含越總如龍。  
中流鼓應潮聲疊，下瀨戈迴日影重。  
自有長纓堪報主，誰言白雉竟難逢。

元美起家按察河南寄促之官

莫道漁樵計已安，主恩堪爲一彈冠。  
足知上國群公疏，猶作中原二子看。  
虎觀迴連嵩少起，龍門高倚大江寒。  
與君聊玩人間世，明日抽簪

未是難

荅贈王給事

漢帝風流盛栢梁一時才子羨爲郎歸來東海  
桃三熟諫罷金門草數行謫籍祗今人欲盡除  
書何意客相忘黃公雖道商巖起家本鄆山是  
故鄉

雨中同徐子與集吳奉常周給事高光州  
孤山吟社得非字

西陵樹色滉斜暉一片仙舟拂練飛三竺漸從

天上落一峯高入雨中微人今湖海開詩社客  
自雲霄奉禁闈綵筆如花誰不羨敢將春興鬪  
芳菲

靈隱寺同吳馬二公作

武林臺殿敞諸天建自咸和第幾年纔到上方  
雙澗合飛來何處一峯縣梵音動雜江湖轉燈  
影長含海日傳所以龍宮稱絕勝驪珠交映使  
君前

和馬文侍御賦得飛來雙白鶴

三花珠樹五雲開  
海上雙飛白鶴來  
借問分行棲玉署  
何如對舞映霜臺  
月明萃表連翩起  
雪滿緱山竝駕回  
萬里只今誰比翼  
仙禽原自不群才

煙霞嶺

煙霞不隔洞天遙  
佛影千巖散寂寥  
絕壁倒含滄海照  
一峯高映赤城標  
白雲家在時堪駐  
紫氣山深夜自朝  
莫被藤蘿迷出入  
相逢終日少  
漁樵



董生寫四子圖

客星遙犯洛陽宮，帝座雲臺路已通。  
君自一毛求駿馬，我將雙眼送飛鴻。  
青萍交映千秋色，玉樹長含萬里風。  
不是弟兄江海，上誰堪彩筆與爭雄。

尤里松圖爲馬侍御作二首

三天嘉樹儼成行，下接扮榆即故鄉。  
遠勢不隨雙澗盡，層陰竝落二峯長。  
葉棲金掌仙人露，幹挺烏臺御史霜。  
孔雀東飛煩再顧，欲從威鳳託

清光

武林佳氣日蕭蕭夾道長松入望遙黛色總疑  
天目雨寒聲不辨浙江潮含凄風自枯鱗起倒  
影雲隨偃蓋飄非值有心同竹箭縣蘿爭敢附  
高標

按察李公誕子公蜀人先以中書舍人爲  
御史

高才染翰五雲中復道登車攬轡同雛有一毛  
殊是鳳駒無千里不爲驄名烏業已承家學字

犬文堪竝國工君自蜀人楊馬在同鄉奕葉播  
清風

贈李封君

五陵群少各賢豪客有能詩調獨高受業不隨  
秦博士爲文無害漢功曹十年我輩慚龍卧萬  
里君家起鳳毛江左衣冠堪此地美名如昨照  
同袍

高光州孤山精舍

白雲不散一山孤地主人稱楚大夫老作西陵

詩社長可携南部酒家胡囊餘太古雙龍劍壁  
有行春五馬圖汝穎過逢遺事在高陽似此聚  
星無

和吳太常南樓煙雨之作

南樓迢迢俯丹梯煙雨蕭條拂檻低越徼層陰  
千里合吳門春樹萬家迷江流欲動帆檣外山  
色纔分睥睨西一自不齋多暇日新詩誰與醉  
同題

送周給事還朝二首

才子先朝侍從年東山一卧主恩偏  
彈冠更借風雲起補袞新看日月縣  
疏動龍鱗成五色名聯騎省映群賢  
當時諫獵還誰在聞道長楊賦已傳

纔疑仙吏在人間萬里乘風復漢關  
三殿不緣春色滿五雲爭識歲星還  
朝陽更王清華氣金馬依然供奉班  
未許陸沈如昔日須君持論荅天顏

送勞少叅提學蜀中

分藩吳越氣雄哉。人自南宮出上台。一抱連城  
明月滿。還看三峽使星來。錦江波動詞場色。劍  
閣高臨憲府開。聖主賢臣今日事。王褒門下本  
奇才。

汪中丞臺火救者獨以劍出彈鋏而歌和  
以相弔

中丞臺火照閩方。客有千金劍一裝。賴是龍蛇  
先自起。忽然風雨爲深藏。逃形疑入延津水。厭  
影猶含北斗光。報國片心還獨在。逾看鱗甲動

冰霜

呈大司空朱公二首

重葦冀北再開天。益佐山林涉大川。四嶽受成  
方貢日。三邊仰給縣官年。黃金不及隄形壯。白  
馬長隨練影縣。轉自流言能悟主。先臣知遇兩  
朝偏。

河隄使者大司空。無領中丞節制同。轉餉千年  
軍國壯。朝宗萬里帝圖雄。春流無恙桃花水。  
秋色依然瓠子宮。太史但裁溝洫志。丈人何減

漢臣風

與子與游保叔塔同賦

山有落星石二拳

古塔松臺對寂寥，高齋斜日傍漁樵。  
金牛忽見湖中影，鐵騎初回海上潮。  
更倚連城明月動，竝攜雙劍落星搖。  
若非賦有凌雲氣，筆底天花可自飄。

皇太子冊立入賀

燕臺依舊鬱相望，玉樹金莖是帝鄉。  
鳳闕雙懸雲五色，龍樓交映日重光。  
九天氣王旌旗動



三殿風清劍佩長，伏謁不遺顏。只尺十年西省，  
愧爲郎。

江上贈郭第歐大任

元年飛雪度維揚，此日秋風復故鄉。總爲郭君  
紆綵纜，况逢歐冶說干將。回看京口孤城轉，坐  
擁江流萬里長。以爾相從諸子後，新知得似丈  
人狂。

吳使君自邵武之高州二首

先朝五子結交情，一日青雲滿鳳城。漢主憐才

金作署楚臣能賦玉為名已應龍自延津起那  
更珠還合浦生直置壯遊消不得纔兼遷客重  
縱橫

中原五馬日駢駢領外翻傳俗吏稀逐客也須  
常作好使君安見遠游非庶無疾病堪乘興况  
有登臨可當歸漂泊秋風同一葉幾時還向洛  
城飛

早春元美自大名見枉齊河時元美代余

浙中

如此春醪醉莫辭中原攜手即佳期何人命駕  
能千里與爾彈冠又一時嶽雪故應回疋練江  
潮今復借褰帷比來慷慨悲歌地河朔風流更  
有誰

和梁憲使過密咏天仙宮白松三首是黃  
帝堊三女處

孤根一託葢珠宮不與茗華粉黛同夜暗龍鱗  
銜自照天清鶴影望來空條封姑射千秋雪蓋  
擁蘭臺萬里風非為子雲能作賦誰知玉樹本

青葱

軒轅宮裏洗新妝  
縹緲連枝入帝鄉  
玉骨不緣能化石  
冰肌那得便生香  
只愁明月銷為水  
更恐清陰凝作霜  
巫峽瑤姬元素質  
却令雲雨污衣裳

玉女窻前手自栽  
遙分海色向蓬萊  
唯應七聖襄城過  
曾見三花少室開  
地迥流光通粉署  
天寒老幹倚霜臺  
懸池的有千年露  
欲獻湏君作

賦才

峇寄用晦王孫二首

江上傳書錦字斜，于時飛雪映瑤華。誰携雄劍  
非豐獄，但出名駒即漢家。春色自憐彭澤柳，美  
人相怨武陵花。三年未報平安使，長日心懸萬  
里槎。

豫章城上有高樓，樓下長江二水流。君更紅顏  
雄製作，誰同清夜美遨遊。陽春若許千人和，明  
月何須萬里投。不信紙今求自試，詞場可但少  
應劉。

荅寄元美

飛書茗水報王孫  
杯底黃河似酒渾  
已讓五湖相代長  
敢臨中岳自言尊  
人無西子堪同載  
客有如姬不負恩  
蕭索三餘回王氣  
風塵非復古  
夷門

寄懷蒲圻魏使君三首

赤壁黃磯錦不如  
故人家傍武昌居  
蒲生太守裁鞭後  
竹擁郎官賜管餘  
遣興幾篇司馬賦  
銜冤一紙樂羊書  
楚材堪已推三晉  
那得長縣刺

史車

歸來高卧叔牙山，恰爾分符出漢關。  
一顧青雲生海上，千秋白雪在人間。  
非時按劍投珠起，無意償城抱玉還。  
所以離騷長苦怨，楚臣容易老紅顏。

搖落誰憐作賦才，高秋無處不悲哉。  
大王自嘯雄風起，神女長携暮雨來。  
非有上林吞夢澤，至今江漢遶蘭臺。  
武昌月滿南樓夜，安得青樽共我開。

東陂同許殿卿陸道函灌甫兄弟賦

散髮東陂月滿庭  
王孫春草雁池青  
平臺吹合風先起  
竹苑樽開酒旋醒  
自媿長卿工作賦  
誰憐子政老傳經  
明朝莫報高陽會  
不定江湖是客星

勤中尉園亭

分竹穿茅暑自平  
披襟小閣坐來清  
使君河上浮槎興  
與公子夷門結轡情  
自有明珠堪照乘  
豈無佳色鮮傾城  
時人若問游梁客  
司馬相如字



長卿

聞肖甫已代元美大名有寄

塞帷蜀道望吳天  
二千瓜期迥自憐  
五馬過逢曾此地  
雙鳧飛去復何年  
誰言官是談兵起  
爾已名從作賦傳  
父老未須窺露冕  
何人不識使君賢

寄贈周象賢

時為襄王府小史

春色高齋萬里生  
曳裾常日罷逢迎  
雲霄未報中丞疏  
江漢先傳外史名  
俠客銅蹄多駿馬  
佳

人花艷動傾城王門自昔棲遲地何限龐公避  
世情

送羅大叅之任山西二首

雁門句注九關通地接燕山 帝業雄使者汎  
舟從絳水將軍轉餉入雲中分藩忽壯

朝廷色開府深縣保障功晉國莫強兵馬地股  
肱何但數河東

吏部風流入奏年諸郎誰不讓朝天五雲忽映  
檐帷動雙轄重臨水鏡縣色借綈袍堪病起詩

更藻筆已名傳故人剩有河山在二子相逢海岱前

荅元美吳門邂逅于鱗有贈四首

姑蘇城上倚高臺却望中原酒一杯彼自有人浮海去我今為客渡江來飛龍忽報干將合老驥還驚匹練開共向風塵論二子誰知天地此徘徊

徵君巖穴雅能深出處人間總陸沉流水乍含鍾子調浮雲不繫邴生心關門紫氣長來徃海

上青山更古今世事彈冠難自料風塵容易是  
抽簪

萬里風雲北極生中原二子舊齊名居然霄漢  
雙封事自是江湖一宦情天惜客星高物色歌  
回春雪壯潮聲何妨邂逅成佳會正復相思命  
駕行

雪滿江城醉色寒蕭條春興盡彈冠自憐滄海  
雙珠合誰作青雲一鷲看日月祇銷高伏枕風  
塵何事老投竿豈宜梅福吳門在共說先朝吏

隱難

贈海憲蔡公開府

橫海今時領外臺書生謾說請纓來霜威瘴癘  
三山盡殺氣波濤萬里開攬轡本朝元楚望談  
兵當代一邊才朝廷近有留中疏柱史星光切  
上台

荅襲茂才

中原相望兩漫漫傲吏重彈柱後冠不盡青雲  
東嶽起飛來白雪大江寒人今雨別千年事君

自風流二仲看若問嚴陵灘上月小清河北照  
漁竿

毛封君

公家安在薊門城出入漁陽結客行經學並驅  
韓太傅辭華脫穎趙先生丈人不作雄邊老令  
子還高秉憲名此日衣冠堪甚偉也知黃綺負  
餘情

為大侍御南海鍾公題金臺遙祝卷二首  
游子承恩出禁闈高堂華髮照春輝潘輿自不

隨驄馬萊綵何妨舞繡衣江鯉一從天上寄臺  
烏長繞日南飛即今婺女遙相望柱史星光近  
太微

冰霜不厭北堂清冠指神羊海上城戀闕未須  
將母疏倚門元自望君情家傳五字推承學朝  
擁三臺起令名驄馬更便千里駿還鄉實切斷  
機聲

送王侍御按貴陽

中原遙入楚天長道出盤江古夜郎自許鐵冠

衝瘴癘兼携白筆掃風霜百蠻擁節開雄鎮萬  
里登車擊大荒莫說壯遊非妙選同時八彥避  
鵷行

郭吏部請急歸吳稱壽封君太宜人

水鏡清光滿薊門庭闈雙映一寒溫角巾入洛  
名元重裘褐依梁道竝尊白首更借吳市隱青  
雲再奉漢宮恩還朝益妙題才術湖海微言可  
具論

武太常貞母 太常是遺腹子



令子清標領太常持衡東省舊為郎才因藻鏡  
知秋水胎本明珠產夜光天上旌旂縣日月人  
間竹帛映冰霜雖然燕趙多奇士已讓高風在  
北堂

戲擬王安人稱壽郭相國相國嘗為廬江  
別駕

南昌高唱入新題曲罷蛾眉玉怨齊秦史自借  
羸氏女廬江誰憶仲卿妻雙飛青鳥披雲下並  
帶蟠桃帶雪携何必千金稱上壽嫣然一笑醉

如泥

秋前夜過昆上寄仲尉時元美兄弟俱就

徵車

有客中原回白頭懷人千里命扁舟吳門山色  
元非雨蒨子江聲似是秋二友雁行堪入洛惟  
君龍卧不依劉也知傾蓋湏臾事一日檄書即  
舊游

送徐子與之武昌二首

使君安在武昌城江漢雙縣憲府清共許登高

能作賦不妨乘暇一論兵  
脩然白雪千人和颯  
爾雄風萬里生  
更憶南樓明月好  
欲携佳興與  
縱橫

刺史樓臺望裏重  
是時門客羨登龍  
白雲三署  
還堪起黃鵠  
千秋更可逢  
象合星辰雙  
執法心  
隨江漢一朝宗  
二天尊寵諸侯上  
出處何論那  
曼容

和子與過訪平原道中值雪二首時按察

楚中

九河風色報寒帷道入平原雨雪遲天欲竝傳  
梁苑賦君今試和郢中詞馮陵尺素光猶動縹  
緲扁舟興可知况值如渑春酒熟好來投轄未  
須疑

平原日映北風斜飛雪偏隨刺史車明月更接  
公子邑金門何處侍臣家綈袍忽自生春色彩  
翰紛然擁落花為報衰安高卧起齊宮上客有

田邑

和馬丈見送巡海之作

樓船遙指越王城，萬里波濤按部行。  
門下有人惟說劍，江南何處不談兵。  
長纓我媿山東妙，銅柱君懸海外名。  
忽訝天台霞色起，開槭彩筆更縱橫。

送陸從事赴遼陽

御苑東風吹客過，共看芳草有離珂。  
西山晴雪鴻邊盡，北海春雲馬上多。  
地險時窺玄菟郡，天驕夜遁白狼河。  
知君幕下參高畫，諸將何時議止戈。

贈劉將軍

憶醉卿家春草芳  
征輶信宿向漁陽  
行間舊識千夫長  
轂下新推六郡良  
白馬從軍明月塞  
黃金結客少年場  
何時更出追驕虜  
策爾持纓請建章

白雪樓詩集卷之七